

## Tswj King County rau lub Sam Xeeb siab rau kev saib xyuas: 2020- 2022 Cov Cai Txwv kev Ntxub Ntxaug rau kev Txawv Haiv thiab Pab Pawg

Muaj ib txhia neeg tau hais tias COVID-19 yog ib yam uas “Nthuav Qhia kev Ras Txog” lossis “Qhib kev txog Vaj Huam Sib Luag”. Tamsis, tus kab mob COVID-19 ua tau rau tib neeg pom txog txoj kev tsis cuag ncuu uas tsis muaj kev pab cuam ncaj ncees rau txhua tus. Lub sij hawj no qhia tau pom tseeb heev lawm txog cov kev pab rau cov neeg zej zog, hais tias nws dav thiab txawv deb npaum li cas rau ntawm cov neeg tau txais kev pab yooj yim thiab cov neeg ua tsis paub tig mus nrhiav kev pab qhov twg. Qhov no tsis yog ib yam tshiab uas kev ceev cia, kev tshawb fawb, kev pab cuam, uas haiv neeg Dub thiab Cov neeg uas ib txwm nyob lub teb chaws (Native) no twb tau ua rau peb ras txog ib txheej dhau ib tiam los lawm. Tej zauv ntawm kev teev cia, tej dab neeg, thiab yam tau tshwm sim ras txog tias tsim nyog yuav tsum muaj kev hloov tiag tiag nyob rau lub caij no.

Thaum lub 7 hli ntuj, hnuv tim 24, 2020, tus saib xyuas King County uas yog Dow Constantine, tham txog “yam tsis tsim nuj uas muaj tseeb ntawm [kev ntxub ntxaug] sib cais pab pawg vim txawv nqaij tawv thiab txawv haiv uas tshwm sim nyob thoob zej zog.”

Kev tuag, tsis muaj kev ncaj ncees, thiab kev ntxhov hnyo thoob teb chaws rau xyoo 2020 no yog los ntawm kev caij tsuj, tej kev cai thiab kev xyaum tseg uas tau tshwm los ntawm haiv neeg tawv Dawb los mus kav caij tsuj lwm haiv. Peb yuav nyob tsis tau zoo li no lawm.

Peb txoj kev vam meej yog nyob ntawm seb peb yuav tuav peb tus kheej los hloov pauv thiab lees paub qhov uas peb tau tso cov tib neeg tawv Dub thiab pab pawg haiv neeg uas ib txwm nyob rau lub teb chaws no tau raug kev ntxug ntxaug thiab tsis muaj kev ncaj ncees vim kev sib txawv nqaij tawv thiab txawv haiv. Txoj hauv kev uas tsis muaj kev ncaj rau tib neeg tau txais kev pab cuam txaus thiab kev ncaj ncees ua tau ib qho kev cov nyom uas cuam tshuam rau lub zej zog los mus tsim kho kom tau ib qhov chaw nyab xeeb, noj qab haus huv, muaj kev cia siab, thiab ua tau ib lub zej zog muaj kev zoo siab.

### **Txoj Cai Uas Tawm Tsam kev Ntxub Ntxaug Rau Neeg Txawv Haiv:**

Nyob rau lub 6 hli ntuj, 2020, King County tus Tswj hwm, Dow Constantine nrog rau Chaw Saib Kev Noj Qab Hauv Huv - Zej Zog Seattle thiab Nroog King tau ruaj lus los tsim kho pab txhawm rau cov neeg txawv haiv thiab txawv nqaij tawv kom txoj cai muaj nyob ruaj khov mus ntev.

Txij no mus, peb yuav tsim kom muaj kev ncaj rau txhua pab pawg, txhawm rau kev lag luam kev nrhiav noj haus, thiab txhawm rau sab kev nom tswv tswj hwm teg dej num kom ncaj ncees. Cov Cai Tshiab [2021-2022 policy agenda](#) (website yog lus Askiv xwb). Yog los ntawm King County Nom Tswv uas yeej lees mloog thiab muaj kev lees txais tau tias txoj kev ua neej ntawm haiv neeg tawv Dub thiab cov Native uas ib txwm nyob lub teb chaws no tau raug kev tsim txom los ntawm cov cai tsim los mus tswj thiab tsuj kev ncaj ncees rau lub neej.

Cov Tswj hwm Chaw Hauj lwm saib xyuas yuav los mus kho cov cai kav ua kom zoo rau zej zog kev khwv nyiaj khwv txiaj thiab kev noj qab hauv huv, tsis hais txawm yog haiv neeg twg, nyob qhov twg tuaj, ua hauj lwm dab tsi thiab muaj nyiaj npaum cas raws li hauv qab no. Txoj kev hloov uas tsim nyob rau peb txoj kev khiav dej num thiab rau tej zej zog txoj kev vam txog yuav txhawm rau kev sib cog ntawm tsoom zej zog, txhawm rau ntau pab pawg txawv haiv, thiab txhawm rau kev khwv nyiaj txiag kom muaj kev ncaj ncees.

Cov kev tsim kho no yuav yog los mus tswj kom kev pab cuam muaj sib puag npog rau txhua tus uas tsim nyog tau txais kev pab cuam hauv King County, tshwj xeeb tshaj plaws yog haiv neeg Dub thiab haiv neeg uas ib txwm nyob lub teb chaws no (Indigenous).

- Cov cai rau kev Txiaj Txim Plaub Ntug Txhaum Cai
- Cov cai rau kev lag luam thiab khwv noj khwv hauv
- Cov cai rau kev noj qab haus huv, thiab muaj Vaj Tse Nyob
- Cov kev cai khoom siv txhab vaj tsev thiab lb puag ncig
- Cov kev cai nyob rau hauv King County chaw ua hauj lwm

Cov kev cai hloov no kav thoob rau cov cai hauv nroog, nrog rau kev txhawb nqa thiab sib koom los qhia txog kev hloov (ntawm kev tsim cai thiab kev ua hauj lwm) rau theem kav xeev thiab tsoom fwv cov cai lij choj loj kav txhua lub xeev (federal level). Cov cai uas tsim muaj rau lub sam xeeb siab no yog los ntawm ntau sab kev tso xov xws li, cov khoom muaj chaw siv tam sim no, thiab cov khoom tseem ceeb uas cov nom tswv hauv cheeb tsam tau ntsuam xyuas pom, nrog rau koos haum, thiab lub zej zog tau faj lus kom tsim muaj.

Cov cai thiab nyiaj rau xyoo 2021-2022 [budget proposals](#) qhia tau tias peb ruaj lus tiag kom muaj kev hloov ntev mus rau hauv nroog cov cai kav, los mus tswj kom muaj kev vaj huam sib luag rau tib neeg txawv haiv. Lub hom phiaj ntsiab lus ntawm cov cai thiab nyiaj no yog los pab txhawm rau txoj kev zoo thiab kom muaj vaj huam sib luag rau haiv neeg Dub thiab haiv neeg Native uas ib txwm nyob lub teb chaws no, nrog rau menyuum, thiab tsev neeg uas nyob hauv King County.

Tswj hwm Chaw Hauj lwm thiab Chaw Saib Kev Noj Qab Hauv Huv - Zej Zog Seattle thiab Nroog King yuav txuas ntxiv txoj kev koom tes nrog koj thiab mloog zej zog cov lus qhia pab txhawm rau txoj kev hloov cai li cas thiaj li zoo rau zej zog thaum muaj kev hloov li no. Txuas ntxiv rau yav tom ntej hais txog kev ceev nyiaj txiag thiab faib kev siv nyiaj los tsim tsa cai, lub tswv yim yuav yog los faib rau cov zej zog uas nrog koom tes los tsim cov cai pab kev ncaj ncees uas pab txhawm mus rau thaum lub hauv paus uas txwv kom tsis muaj kev ntxub ntxaug.

Txoj kev no yuav pab txhawb zej zog, cheem kev tsis tsim nyog muaj plaub ntug, tsim kev ntseeg siab nrog zej zog thiab txhawb nqa kom muaj vaj huam sib luag kom muaj kev thooj siab koom ntsws ntawm ib zej tsoom. Txoj kev uas tau xav ntev thiab tob los tsim txoj kev cai kom siv tau ruaj ntev, los mus muab kev pab cuam kom sib puag npog rau sawv daws yog ib txoj hauv kev uas yuav tsim tau ib lub zej zog uas yuav noj qab nyob zoo, muaj kev zoo siab, muaj kev cia siab, nyob tau nyab xeeb, thiab muaj kev nce tes los ntawm kev ncaj ncees thiab kev vaj huam sib luag rau txhua haiv neeg nyob hauv King County.

#### **Cov Ntaub Ntawv Ntxiv:**

- [Cov cai txwv kev ntxub ntxaug rau lwm pab pawg nyob hauv King County \(website yog lus Askiv xwb\)](#)
- [Cov cai txwv kev ntxub ntxaug rau lwm pab pawg uas tawm los nqua hu thiab muaj kev koom tes \(website yog lus Askiv xwb\)](#)
- [Kev coj nrog txoj kev ncaj ncees rau txhua pab pawg txawv haiv hauv King County \(website yog lus Askiv xwb\)](#)